

既至明日亦復不遣如是妄語經歷多日王
心惑者單將數人欲往彼國諸臣勸諫不肯
受用時仙人山中有狝猴王聰明博達多有
所知其婦適死取一雌狝猴諸狝猴衆皆共
瞋呵責此姪狝猴衆所共有何緣獨當時狝
猴王將雌狝猴走入迦尸國投於王所諸狝
猴衆皆共追逐既到城內發屋壞牆不可料
理迦尸國王語狝猴王言汝今何不以雌狝
猴還諸狝猴狝猴王言我婦死去更復無婦
王今云何欲使我歸王語之言今汝狝猴破
亂我國那得不歸狝猴王言此事不好耶王
荅言不好如是再三王故言不好狝猴王言
汝宮中有八万四千夫人汝不愛樂欲至敵
國追逐姪女我今無婦唯取此一汝言不好
一切万姓視汝而活爲一姪女云何捐棄大
王當知姪欲之事樂少苦多猶如逆風而執
熾炬愚者不放必見燒害欲爲不淨如彼屎
聚欲現外形薄皮所覆欲無反復如屎塗毒

蛇欲如怨賊詐親附人欲如假借必當還歸
欲爲可惡如廁生華欲如疥瘡而向於火肥
之轉劇欲如狗齧枯骨噁唾共合謂爲有味
脣齒破盡不知厭足欲如渴人飲於鹹水踰
增其渴欲如段肉衆鳥競逐欲如魚獸貪味
至寡其患甚大尔時狝猴王者我身是也尔
時王者難陀是也尔時姪女者孫陀利是也
我於尔時欲淤泥中拔出難陀今亦拔其生
死之苦也

雜寶藏經卷第六

驚六

耐奴代刺刺上下七

亦反慘七敢

酢醋

雜寶藏經卷第七

驚七

元魏沙門吉迦夜共曇摩譯

大力士化曠野群賊緣第九十七

尔時佛在王舍城於王舍城毗舍離二國中
間有五百群賊頻婆莎羅王慈心寬善以恩
法治世不害物命即出募言誰能往化五百

群盜使不作賊當重爵賞時有一力士來應王募往彼曠野綏化群賊即能令其不復作賊既能調伏作大城池而安置之漸漸聚集多人依附遂成大國其國人民各作是言我等今者蒙大力士養育之恩便共聚集作是言要從今已後新取婦者先奉力士即到力士所語力士言我等作要新取婦者奉上力士為二事故一者欲得好子使似力士之力二者以報力士恩力士答言何用是為眾人慙慙即從其意唯行此法漸經多時有一女人不樂此事於眾人前裸形小便眾皆訶言汝無慙愧云何婦女在眾人前而立小便女人答言女人還在汝前而裸小便有何等耻一國都是女人唯大力士是男子耳若於彼前應當慙愧於汝等前有何羞耻從是眾人轉相語言此女所說正是道理時舍利弗目連共將五百弟子經曠野中過力士知之請二尊者并五百弟子安置止宿供給衣食過

三日後國中人民聚集作會飲酒適醉詳共圍遶大力士舍以火焚燒力士問言何故如是眾人答言婦女初嫁都經由汝我等是人不忍此事故來燒汝力士答言我先不肯汝等強介諸人不聽便燒使死垂欲命終即發誓言持我供養舍利弗目連功德因緣生此曠野中作大力鬼神滅諸人等作是語已其命即斷便於曠野化作生鬼放大疫氣多殺人眾往往中間有智之人共求鬼言汝今自殺無量人民食肉不盡唐使臭爛願聽我等殺諸牛馬日以一人供給於汝於是國中皆共拔壽人當一日如是次第到一長者須拔陀羅須拔陀羅生一男兒福德端正次應鬼食長者念言如來出世拔濟一切苦惱眾生唯願世尊救護我子今日之厄佛在王舍城知長者心即便來向曠野鬼神宮殿中坐曠野鬼神來見世尊極大瞋恚而語佛言沙門出去佛便出去鬼適入宮佛復還入如是三

反至第四過佛不為出鬼作此言若不出者使汝心顛倒當捉汝脚擲恒河裏佛語之言我不見世間若天魔梵有能捉我作如是者曠野鬼言如是如是如來聽我使問四事當為我說一者誰能渡駛流二者誰能渡大海三者誰能捨諸苦四者誰能得清淨佛即答

言信能渡駛流不放逸者能渡大海精進能捨苦智慧得清淨聞是語已即皈依佛為佛弟子手捉小兒著佛鉢中遂名小兒為曠野手漸漸長大佛為說法得阿那含道諸比丘言世尊出世甚為希有如此大惡曠野鬼神佛能降伏作優婆塞佛言非但今日過去世

時亦復曾於迦尸國比提醯國二國中間有大曠野有惡鬼名沙吒盧斷絕道路一切人無得過者有一商主名曰師子將五百商人欲過此路諸人恐怖畏不可過商主語言慎莫怖畏但從我後於是前行到于鬼所而語鬼言汝不聞我名也答言我聞汝名故來

欲戰問言汝何所能即捉弓箭而射是鬼五百發箭皆沒鬼腹弓刀器仗亦入鬼腹直前拳打拳復入去以右手托右手亦著以右脚蹋右脚亦著以左脚踏左脚亦著又以頭打頭亦復著鬼作偈言

汝以手脚及與頭

一切諸物悉以著

驚七

三

支益

餘又何物而不著

商主說偈而答言

我今手足及與頭

一切財錢及刀仗

唯有精進不著汝

精進若當不休息

與汝鬪諍終不廢

我今精進不休息

終不於汝生怖畏

時鬼答言今為汝等故五百賈客各盡皆放去尔時師子我身是也尔時沙吒盧曠野鬼是也轉相聞法離欲緣第九十八

佛在王舍城頻婆沙羅有大輔相數共其王往至佛所而聽如來說離欲法後於婦所不大往反婦生惡心推求毒藥著飲食中請佛

欲與夫覺其婦有懷惡意從索飲食婦不肯與更與異食佛已來至夫白佛言此食不可食佛言何以不可食答言有毒佛言世間有毒不過三毒我尚消除有何小毒能中傷我佛即食其食都無有異時輔相婦便生信心佛為說法夫婦二人得須陀洹道諸比丘等歎未曾有佛言非但今日於過去世亦曾化彼昔迦尸國王有一智臣名比喏醯常以道法輔相國王及諸群臣悉使修善時有龍王名曰明相數數往來比喏醯所聽受法言亦於其婦往反希簡龍婦瞋恚而作是言得比喏醯心祀火得血而飲然後可活時有夜又鬼與此龍王并及其婦往反親善聞龍婦語便即答言我能得之於龍婦道擔如意珠現作賈客往詣迦尸國至於王邊共王擲蒲賭如意珠王以國土庫藏比喏醯等復作一分以對其珠夜又得勝求不用其國土庫藏單取比喏醯以珠送與王王問比喏醯為欲去

不答言欲去夜又將去比喏醯問夜又言索我來者有何意故夜又不答如是慇懃更問不已便語之言龍王夫人欲得汝心以祀於火欲得汝血用而飲之比喏醯云若其殺我擔我心血去一切之人心血一種知是誰許汝今莫殺我為將我去須我心者欲得我智須我血者欲得我法聞此語已夜又心念實是智人即將至龍所龍見歡喜即為說法龍王夫婦及諸眷屬生敬信心盡受五戒并夜又眾亦受五戒亦時閻浮提龍與夜又大寶珍寶送比喏醯比喏醯得是珍寶用上於王并與人民於是閻浮提人及龍鬼受持五戒修行十善亦時比喏醯者我身是也亦時明相龍王者善見輔相是也亦時龍婦者輔相婦是也亦時王者舍利弗是也亦時夜叉者目連是也尼軋子投火聚為佛度緣第九十九佛在舍衛國亦時如來降化外道邪見六師

卷第七

四

及其眷屬悉使破盡五百尼軋子作是念言我等徒衆都破散盡不如燒身畢就後世即集薪草便欲燒身如來大悲欲拔彼苦使火不然佛在其邊入火光三昧諸尼軋子見大火聚心生歡喜而作是言我等不須然火皆共投身既到火聚身體清涼極大快樂見佛

在中倍復慶悅求欲出家佛言善來比丘鬚髮已落法服在身佛爲說法得阿羅漢諸比丘言希有世尊乃能拔此尼軋子等自燒之苦使得羅漢佛言非但今日往昔之時舍衛國中有五百賈客入海採寶時有商主名比舍法將諸商衆順風而往即到寶所集著船

驚七

五

上諸賈客羣貪取珍寶船上極重時比舍法語諸商賈言莫重者寶喪汝身命時諸賈客不用其言寧共寶死不能減却商主即以船寶投著水中上諸賈客著已船上是諸寶船都沒於海海神見是商主能捨珍寶救諸商賈心生歡喜取是商主所棄珍寶擔飛在前

既得出海以還商主諸商人言我等何爲不於寶所即自并命見是苦惱時比舍法深生悲愍所得珍寶悉亦分與便修外道出家之法即得五通諸商人言如是大士不貪財寶自修其志得大利益我等應學各捨珍寶向仙人所修習其法皆獲五通

尔時比舍法者我身是也尔時五百賈客五百尼軋子是

五百白鴈聽法生天緣第一百

佛在舍衛國尔時槃遮羅國以五百白鴈獻波斯匿王波斯匿王送著祇桓精舍衆僧食時人人乞食鴈見僧聚來在前立佛以一音

說法衆生各得隨類受解當時群鴈亦解佛語聞法歡喜鳴聲相和還於池水後毛羽轉長飛至餘處獵師以網都覆殺之當網著時一鴈作聲諸鴈皆和謂聽法時聲乘是善心生忉利天生天之法法有三念一者念本所從來二者念定生何處三者念先作何業得

來生天便自思惟自見宿因更無餘善唯佛
 僧邊聽法作是念已五百天子即時來下在
 如來邊佛為說法悉得須陀洹波斯匿王遇
 到佛所常見五百鴈羅列佛前是日不見便
 問佛言此中諸鴈向何處去佛言欲見諸鴈
 耶王言欲見佛言先鴈飛至他處為獵師所
 殺命終生天今此五百諸天子等著好天冠
 端正殊特者是今日聽法皆得須陀洹王問
 佛言此諸群鴈以何業緣墮於畜生命終生
 天今日得道佛言昔迦葉佛時五百女人盡
 共受戒用心不堅毀所受戒犯戒因緣墮畜
 生中作此鴈身以受戒故得值如來聞法獲
 道以鴈身中聽法因緣生於天上
 提婆達多放護財醉象欲害佛緣第一百一
 佛在王舍城爾時提婆達多放護財醉象欲
 得害佛五百羅漢皆飛虛空唯有阿難獨在
 佛後佛時舉右手護財白象見五百師子象
 時恐怖即便調順五百比丘盡棄佛去唯有

鴈七

六

阿難在於佛後佛言非但今日過去亦尔昔
 迦尸國有五百鴈共為群侶尔時鴈王名曰
 賴吒鴈王有臣名曰素摩時此鴈王為獵師
 捕得五百群鴈皆棄飛去唯有素摩隨逐不
 捨語獵師言請放我王我於今日以身代之
 獵師不聽遂以鴈王獻梵摩囉王王問鴈王
 為安隱不鴈王答言蒙王大恩得王清水又
 得好草以活性命得常平安在國土住唯願
 大王放一切鴈使無所畏五百群鴈在王殿
 上空中作聲時王問言此是何鴈鴈王答言
 是我眷屬王即施無畏內外宣令不聽殺鴈
 鴈王白王言今當以正法治國世間無常如
 四方山譬如東方大山上無邊際一時來至
 南西北方亦復如是磨碎世間一切眾生及
 與人鬼悉皆微滅無可逃避無可恃怙不可
 救濟當於尔時何所恃賴惟念如是宜應慈
 心普育一切修行正法作諸功德大王當知
 一切富貴為衰滅之所摧碎四方而至為歸

鴈七

七

喪失一切強壯又有諸病從四方來破滅強健一切壯年有病羸山從四方來破壞壯年一切有命有大死山從四方來壞滅生命如是四山一切共有天龍人鬼有生之類無得免者以此義故常修慈心勤行正法若能介者死時不悔心不悔故得生善處必遇賢聖得遇賢聖得脫生死王問素摩何以默然素摩答言今鴈王人王二王共語若當讒言非是儀禮便無上下恭恪之心王言實是希有汝爲鴈身能行如是忠臣之節人所不及能以身命代於鴈王又復謙順不讒言說如汝鴈王君臣之義世所希有悉與金鍔鍛約其頭際以好白絹著鴈王首而發遣之言曰往時爲我說善法即便放去
介時鴈王我身是也介時素摩阿難是也介時人王我父王淨飯是也介時獵師提婆達多是
迦旃延爲惡生王解八夢緣第百二

昔惡生王爲行殘暴無悲愍心邪見熾盛如來大悲遣諸弟子遍化諸國迦旃延者即是惡生王國婆羅門種佛尋遣迦旃延還化其國王并及人民時尊者迦旃延受佛教已尋還本國時惡生王不覩正真奉事邪道常於晨朝不欲見人先拜天祀時迦旃延將欲開化惡生王故於清朝早起化作異人狀如遠使形貌端正到王門中當王見時還服本形作沙門像王於道士剃髮之人特復憎惡王大恚言汝今定死尋便遣人將迦旃延垂欲加害迦旃延白王言我有何過乃欲見害王復語言汝剃髮人見者不吉是以今者欲殺於汝尊者迦旃延即答之言今不吉者乃在於我不在於王所以者何王雖見我都無損滅我見於王王欲見殺以此推之言不吉者正在於我王素聰明聞其語已即領其意放迦旃延不與惡心密遣二人尋逐其後觀其住止食何飲食見迦旃延坐於樹下乞食而

卷七

八

食若得食時分與二人有少餘殘瀉著河中
 二人既還王即問尊者住處及以飲食二人
 如上所見具白於王王於後日而請尊者迦
 旃延與產飲食遣人問言而今此食稱適意
 不尊者答言食之勢即便以充足後與上味
 細食復遣人問言可適以不答言食之勢力
 便為充足後王問尊者言我所施食不問鹿
 細皆言充足此事何謂也尊者迦旃延即答
 王言夫身口者譬如於竈旃檀亦燒糞穢亦
 燒身口亦亦食無鹿細飽足為限即說偈言
 此身猶如車 好惡無所擇 香油及臭脂
 等同於調利

王聞其語深知大德便以鹿細之食與婆羅
 門諸婆羅門初得鹿食咸皆忿恚作色罵詈
 後與細食歡喜讚歎王見婆羅門等於飲食
 中心生喜怒於迦旃延倍生信敬亦時尊者
 有外生女先在城外住婆羅門聚落甚有好
 髮以安居時至心懷供養極剪已髮賣得五

百金錢請迦旃延夏坐供養尊者迦旃延夏
 安居訖還至城中時惡生王宮門之中卒有
 死雉如轉輪王所食之雉而惡生王即欲食
 之時一智臣白於王言然此雉者不宜便食
 應先試之王用其言時即遣人割取小臍以
 用與狗得肉已貪著肉味合舌俱食遂至

鷲七

九

于死又復割少肉用試一人人食肉已亦著
 滋味遂至自噉其手而死王見是已深生怖
 畏聞有人言而此肉者唯轉輪聖王有無漏
 智得道之人乃可食之即便遣人調和美食
 送與尊者迦旃延時迦旃延食是食已身體
 便安王於後日遣人伺看見迦旃延顏色和

悅倍勝於常時王聞已深生竒特益加尊重
 輕賤外道諸婆羅門等王問迦旃延言尊者
 此夏何處安居今方來耶尊者具說以外生
 女賣髮資錢供養眾僧王聞是語而作是言
 我宮中人極美髮者然直銅錢不過數枚今
 言彼女之髮直五百金錢者彼之女人美髮

非常容儀必妙即問其女父母姓名尋遣使人往至於彼親見女身姿貌超絕果如所量王即遣使將婢爲婦而彼女家大索寶物城邑聚落王復思惟若與彼者女來之時還當屬我即便與之納爲夫人初迎之日舉國欣慶咸稱大吉於其後日復放大赦即号爲尸婆具沙夫人王甚悅敬後生太子字喬波羅時王於寢夢見八事一頭上火然二兩蛇絞腰三細鐵網纏身四見二赤魚吞其雙足五有四白鷄飛來向王六血泥中行泥沒其腋七登太白山八鸛雀荷頭於夢寤已以爲不祥愁憂慘悴尋即往問諸婆羅門婆羅門聞王此夢素嫌於王兼嫉尊者因王此夢言大王不吉若不禳厭禍及王身王聞其語信以爲然益增憂惱即問之言若禳厭時當須何物諸婆羅門言所須用者王所珍愛我若說者王必不能時王荅言此夢甚惡但恐大禍殃及我身除我以往餘無所惜請爲我說所

須之物諸婆羅門等見其慙慙知其心至即語王言所可用者此夢有八要須八種可得禳災一殺王所敬夫人尸婆具沙二殺王所愛太子喬波羅三殺輔相大臣四殺王所有烏臣五殺王一日能行三千里象六殺王一日能行三千里駝七殺王良馬八殺秃頭迦

第七

十

旃延却後七日若殺此八聚集其血入中而行可得消災王聞其言以已命重即便許可還至宮中愁憂懊惱夫人問王何故如是王荅夫人具陳說上不祥之夢并道婆羅門禳夢所須夫人聞已而作是言但使王身平安無患妾之賊身豈足道也即白王言却後七日我當歸死聽我往彼尊者迦旃延所六日之中受齋聽法王言不得汝若至彼或語其實彼若知者捨我飛去夫人慙慙王不能免即便聽往夫人到彼尊者所已禮拜問訊遂經三日尊者恠問王之夫人未曾至此經傳信宿何故今者不同於常夫人具說王之惡

夢却後七日當殺我等用禳災患餘命未幾故來聽法因向尊者說王所夢尊者迦旃延言此夢甚吉當有歡慶不足為憂頭上火然者寶主之國當有天冠直十萬兩金來貢於王正為斯夢夫人心急七日向滿為王所害懼其來晚問尊者言何時來到尊者答言今

日晡時必當來至兩蛇絞腰者月支國王當獻雙劍價直十萬兩金日入當至細鐵網纏身者大秦國王當獻珠瓔珞價直十萬兩金後明晨當至赤魚吞足者師子國王當獻毗琉璃寶履價直十萬兩金後日食時當至四白鵠來者跋耆國王當獻金寶車後日日中

鴛鴦七

十一

當至血泥中者安息國王獻鹿毛欽婆羅衣價直十萬兩金後日日昃當至登太白山者曠野國王當獻大象後日晡時當至鸚雀肩頭者王與夫人當有私密之事至後日自當知之果如尊者所言期限既至諸國所獻一切皆到王大歡喜尸婆具沙夫人先有天

冠重者寶主國所獻天冠王因校戲脫尸婆具沙夫人所著一重天冠著金鬘夫人頭上時尸婆具沙夫人瞋恚而言若有惡事我先當之今得天冠與彼而著尋以酪器擲王頭上王頭盡汚王大瞋忿拔劍欲斫夫人夫人畏王走入房中即閉房戶王不得前王尋自悟尊者占夢云有私密正此是耳王及夫人尋至尊者迦旃延所具論上來信於非法惡邪之言幾於尊者妻子大臣所愛之物行大惡事今蒙尊者演說真實開示盲瞶得覩正道離於惡事即請尊者敬奉供養驅諸婆羅門等遠其國界即問尊者有何因緣如此諸國各以所珍奉獻於我尊者答言乃往過去九十一劫亦有佛名毗婆尸彼佛出時有一國名曰槃頭王之太子信樂精進至彼佛所供養禮拜即以所著天冠寶劍瓔珞大象寶車欽婆羅衣用上彼佛緣是福慶生生尊貴所欲珍寶不求自至王聞是已於三寶所

深生敬信作禮還宮

金猫因緣第一百三

昔惡生王遊觀林苑園中堂上見一金猫從東北角入西南角王即遣人尋復發掘得一銅瓮瓮受三斛滿中金錢漸漸深掘復獲一瓮如次第得三重瓮各受三斛漸復傍掘亦

得銅瓮轉掘不已滿五里中盡得銅瓮盛滿金錢時惡生王深生奇怪即詣尊者迦旃延所即向尊者具論得錢所由因緣我適輒取欲用將無災患於我及國人耶尊者答言此王宿因所獲福報但用無苦王即問言不審往因其事云何尊者答言諦聽諦聽乃往過

驚七

十二

去九十一劫毗婆尸佛遺法之中尔時有諸比丘於四衢道頭施大高座置鉢在上而作是言誰有世人能於堅牢藏中舉錢財者若入此藏水不能漂火不能燒王不能奪賊不能劫時有貧人先因賣薪適得三錢聞此語已生歡喜心即以此錢重著鉢中誠心發願

去舍五里當還家時步步歡喜既到其門向勸化處至心發願然後入舍尊者言尔時貧人今王是也以因往昔三錢施緣世世尊貴常得如是三重錢瓮緣五里中步步歡喜恒於五里有此金錢王聞宿緣歡喜而去惡生王得五百鉢緣第一百四

昔惡生王往鬱禪延城時守門者晨朝開門門外忽然有五百量車各載寶鉢盛滿金粟昔有印封題言此鉢與惡生王時守門者告白王言外有寶鉢題鉢言與王不審今者為可取不王自思惟此寶忽然而至或是不祥我若取者將不為我家國災害作是念已即

往詣尊者迦旃延所而問之言今晨開門忽見寶鉢其上印題云與惡生王未知吉凶為可取不尊者答言是王宿福果報但取勿疑王曰尊者我於往因修何功德而致此報尊者答言汝於昔日九十一劫仙人山中有一碎支佛值兩脚踏即破瓦鉢時碎支佛詣瓦

驚七

十三

師家從乞瓦鉢瓦師尋以五器皆盛滿水歡喜施與辟支佛得已擲鉢空中踊身騰虛作十八變瓦師妻子并買瓦者見此神變成皆踊悅歡喜無量尔時瓦師者王身是也尔時婦者尸婆具沙夫人是也尔時兒者喬波羅太子是尔時買瓦者輔相富盧闍是也買瓦婦者輔相婦是王復問言不審此鉢為自然出為有從來尊者答言而此鉢者非自然有從恒河水龍宮中來何以知之乃往過去羅摩主舅婆羅門修清淨行在恒河側時羅摩王日以寶鉢送食與舅婆羅門法器不重用食竟棄鉢於彼恒河中盲龍收取寶鉢盛滿金粟著已宮中如有所棄日日漸多由是獲得五百車鉢盲龍命終又無兒子掌領此鉢天帝知王往日施鉢因緣故用遺王王聞是語尋取寶鉢以用作福廣修布施供養三寶從此因緣後生善處

求毗摩天望得大富緣第百五

昔有兄弟二人家計貧困兄常日夕精勤禮拜求毗摩天望得大富而遣其弟耕田種殖如是求請經歷多時時毗摩天化作其弟至其兄邊兄瞋弟言何不墾殖來此何為時弟答言兄在天寺晝夜祈請望得大富弟於今日亦欲効兄齋戒求願望得獲大富兄語弟言卿不耕田下於種子財富豐有何由可獲弟答兄言實以種故而收穫也兄不能報於是毗摩天還復天像而語之言今我之力正可助汝及於今日修作布施然後可富而汝往因不修布施故使貧窮今雖日夜精勤求我富饒財寶將何可獲如菴婆羅樹若於冬時雖復奉事百千天神欲求於菓菓不可得汝亦如是先不修因而於我所欲求大富亦不可得果若熟時不求自得而說偈言

福業如菓熟 不以神祀得 人棄持戒車
後得至天上 定知如燈滅 得至於無為
一切由行得 求天何所為

卷七

十四

鬼子母失子緣第一百六

鬼子母者是鬼神王般闍迦妻有子一万皆有大力士之力其最小子字嬪伽羅此鬼子母兇妖暴虐殺人兒子以自噉食人民患之仰告世尊世尊余時即取其子嬪伽羅盛著鉢底時鬼子母周遍天下七日之中推求不

得愁憂懊惱傳聞他言云佛世尊有一切智即至佛所問兒所在時佛答言汝有万子唯失一子何故苦惱愁憂而推覓耶世間人民或有一子或五三子而汝殺害鬼子母白佛言我今若得嬪伽羅者終不更殺世人之子佛即使鬼子母見嬪伽羅在於鉢下盡其神

力不能得取還求於佛佛言汝今若能受三歸五戒盡壽不殺當還汝子鬼子母即如佛勅受於三歸及以五戒受持已訖即還其子佛言汝好持戒汝是迦葉佛時羯肌王第九小女大作功德以不持戒故受是鬼形大祀主緣第一百七

昔日有一婆羅門事摩室天晝夜奉事天即問言汝求何等婆羅門言我今求作此天祀主天言彼有群牛汝問最前行者即如天語往問彼牛汝今何似為苦為樂牛即答言極為大苦刺刺兩勒柴揆脊破駕挽車載重無休息時復問言汝以何緣受是牛形牛答之

敬篤七

十五

言我是彼天祀主自恣極意用天祀物命終作牛受是苦惱聞是語已即還天所天即問言汝今欲得作天祀主不婆羅門言我觀此事實不敢作天言人行善惡自得其報婆羅門悔過即修諸善祀樹神緣第一百八

昔有老公其家巨富而此老公思得肉食詭作方便指田頭樹神語諸子言今我家業所以諧富由此樹神恩福故尔今日汝等宜可群中取羊以用祭祀時諸子等承父教勅尋即殺羊禱賽此樹即於樹下立天祀舍其父後時壽盡命終行業所追還生已家羊群之

中時值諸子欲祀樹神便取一羊遇得其父
將欲殺之羊便啞啞笑而言曰而此樹者有
何神靈我於往時為思肉故妄使汝等祀皆
共汝等同食此肉今償殃罪獨先當之時有
羅漢遇到乞食見其亡父受於羊身即借王
人道眼令自觀察乃知是父心懷懊惱即壞

樹神悔過修福不復殺生

婦女厭欲出家因緣第一百九

昔有一婦女端正殊妙於外道法中出家修
道時人問言顏貌如是應當在俗何故出家
女人荅言如我今日非不端正但以小來厭
惡姪欲令故出家我在家時以端正故早蒙

分處早生男兒兒遂長大端正無比轉覺羸
損如似病者我即問兒病之由狀兒不肯道
為問不止兒不獲已而語母言我正不道恐
命不全正欲具道無顏之甚即語母言我欲
得母以私情欲以不得故是以瞋耳母即語
言自古以來何有此事復自念言我若不從

兒或能死今寧違理以存兒命即便喚兒欲
從其意見將上牀地即擘裂我子即時生身
陷入我即驚怖以手挽兒捉得兒髮而我兒
髮今日猶故在我懷中感切是事是故出家也
不孝子受苦報緣百十

昔迦默國鳩陀扇村中有一老母唯有一子

其子悖逆不修仁孝以瞋母故舉手向母適
打一下即日出行遇逢於賊斬其一臂不孝
之罪尋即現報苦痛如是後地獄中苦不可
稱計

十六末

雜寶藏經卷第七

驚馬七

綬先唯裸形上駢流二上使史擣痛上丑舍
 佉下丘畚同都雉直里嚮上力轉娉反併併荷頭
 上音絞反古巧腋亦攘獸下上而羊反反禿頭上土
 阿音絞反古巧腋亦攘獸下上而羊反反禿頭上土
 寶反逆反日反眈反兩車上向反脚反跌下徒徒關
 傾彌錘錘鍛下乙加反反恪反苦各鵠反胡胡篤遺去去墜
 殂上音懇下下嬪上頻上音羯肌下音謁反兩勒

作下力啞啞洪師音作悖反滿沒

雜寶藏經卷第八

驚八

元魏沙門 吉迦夜共曇曜譯

難陀王與那伽斯那共論緣第一百十一
昔難陀王聰明博通事無不練以已所知謂
無誚敵因問群臣頗有智慧聰辯之人諮詢
疑事能對我不時有一臣家先供養一老比

丘履行清淨然不廣學即談於王王問之言
夫得道者為在家得為出家得乎時老比丘
即荅言曰二俱得道王復問言若二俱得何
用出家彼老比丘即便默然不知何對時難
陀王轉復憍慢時諸臣等即白王言那伽斯
那聰慧絕倫今在山中王於尔時欲試之故

磧砂大藏經

雜寶藏經

即遣使人賚一瓶酥湛然盈滿王意以為我
智滿足誰復有能加益於我那伽斯那獲其
酥已即解其意於弟子中斂針五百用刺酥
中酥亦不溢尋遣歸王王既獲已即知其意
尋遣使請那伽斯那尋赴王命那伽斯那身
體長大將諸徒眾在中特出王心憍豪詭因
遊獵路次相逢見其殊長即自遙指異道而
去竟不共語默欲非之一切長者都無所知
時那伽斯那尋以已指而自指曾言而我獨
知難陀王將延入宮即鑿小屋戶極令卑下
望使斯那曲躬向伏然此斯那知欲陷已即
自却入不受其屈時難陀王即設飲食與鹿
食數種食食五三匙便言已足後與細美方
乃復食王復問言向已云足何故今者猶故
復食斯那荅言我向足鹿未足於細即語王
言今者殿上可盡集人令滿其上尋即喚人
充塞遍滿更無容處王在後來將欲上殿諸
人畏故盡皆攝腹其中轉寬乃容多人斯那

卍

第九〇册